

類

焦

類雋卷第十一

勾吳鹿舟鄭若庸纂輯

山東按察司副使古虞百樓鍾 毅

書局校閱

戶部陝西司主事西蜀少川王用楨

戶部福建司主事古粵礪山鍾 昌

工部營繕司員外四明夢韓張大器

同閱

臨清州知州古完呂珩

校正

太學生汪琪校梓

宮室類

都邑

**君居**

釋名云都國君所居人所都會邑聚會之

稱**設都**

書云建邦設都

**建國**

易云先王以建萬

國書云建邦啓土

**有廟**

左傳云邑有宗廟曰都

無曰邑

**表大**

公羊云京大也師衆也言天子所

居**經野**

周禮云體國經野

**千乘**

禮記云制國不

過千乘

**法日**

虎通云師者法日月之徑千里

**書**

書云申畫郊圻

**正封**

周禮云正畿疆之封

**畿**

周禮云制其畿封

**域民**

漢書云聖主域民

**中**

周禮云大司徒以土圭求地中又土方氏建

又云土方氏以土圭攷日景以土地相宅而建  
邦國都鄙**甸服**帝王世紀云五百里甸服注規  
方千里之內爲甸服爲天子治田事去王城面  
五百里又云甸服之內曰京師**禮記**韓愈云畿  
甸之間輦轂之下有善必聞有惡必見**土中**漢  
書云昔者周公營洛邑以爲在于土中諸侯藩  
屏四方故立京師**四縣**周禮云四縣爲都以任  
地事**神州**古今通論云崑崙東南方五千里謂  
之神州中有和羹鄒方三千里五嶽之城帝王

之宅聖人所生也

**赤縣**

張衡靈憲云崑崙東南

有赤縣之州風雨有時寒暑有節苟非此土南則多暑北則多寒東則多陰故聖人不處焉

**在**

漢書云天子以四海為家故所居曰行在所

**岐陽**

詩云度其解原居岐之陽在渭之將萬邦

之方下民之王

**三河**

唐食貨志云唐都河東商

都河內周都河南三河在天下之

若鼎足王

者所更居也建國各數百歲

**周京**

白虎通云夏

為夏邑商為商邑周為京師

**河洛**

左思云嶠函

有帝皇之宅河洛爲王者之里

**建雉**

漢書云秦

中形勝之國也地勢便利以加兵於諸侯譬猶

高屋之上建雉水也

**定鼎**

帝王世紀云武王伐

紂管洛邑而定鼎焉今洛陽西南洛水北有鼎

中觀是也

**舊都**

帝王世紀云伏羲都陳神農亦

都陳又營曲阜黃帝都涿鹿或曰都有熊涿鹿

少昊都窮桑在魯北故春秋傳曰命伯禽而封

少昊之墟顓頊都高陽帝嚳都亳一曰都高辛

今偃師也堯始封於唐後徙晉陽即帝位都平

陽舜都蒲阪禹封於夏爲夏伯及舜禪都平陽  
或在安邑一曰夏禹在陽城蓋避舜子商均非  
都也尚書五子之歌曰惟彼陶唐有此冀方言  
堯舜至禹及太康皆在冀州界少康中興而復  
還舊都故春秋傳曰復禹之迹不失舊物湯都  
亳殷都有三亳穀熟爲南亳偃師爲西亳湯都  
卽南亳也或云西亳至仲丁遷黃或曰敖河亶  
甲居相祖乙居耿及盤庚五遷後南都亳之殷  
地周文王都鄆武王都鎬周公相成王乃營洛

邑成王即洛邑建明堂朝諸侯復還鄴鎬至幽  
王爲犬戎所殺平王東遷乃居洛邑及敬王時  
又還成周秦非子始封於秦秦今在隴西自非  
子之後莊公徙楚立文公徙沂寧公都平陽至  
德公又居雍獻公徙櫟陽孝公徙咸陽漢都長  
安魏以長安譙許昌鄴洛陽爲五都吳都鄆後  
遷建鄴蜀都成都晉都洛陽至永嘉南居建康  
宋齊梁陳並同居建康梁元帝及後梁蕭詧又  
別居江陵晉亂有十六國各建都邑前涼張軌



都燉煌後梁呂光都姑臧南京禿髮烏孤都樂  
都西涼李暠都酒泉北涼沮渠蒙遜都張掖前  
燕慕容廆初都和龍後徙薊又徙鄴後燕慕容  
垂都中山南燕慕容德都廣故北燕馮路都和  
龍前秦苻堅後秦姚萇並都長安西秦乞伏國  
仁都定樂前趙劉聰都平陽後趙石勒都襄國  
至石季龍都鄴後蜀李特都成都夏赫連勃勃  
都統萬城晉永嘉南遷後魏據有中原初都代  
後徙洛陽至文帝遷長安孝靜帝遷鄴號東魏

北齊高陽以鄴爲上都晉陽爲下都西魏禪周  
周禪隋隋並都長安隋高祖營大興城後徙居  
之更名曰長安即今西京城也隋煬帝遷洛陽  
於故周之王城南劉伊闕即今東都城也秦都  
賈誼云秦孝公據崤函之固擁雍州之地始皇  
踐華爲城因河爲池據億丈之地臨不測之淵  
以爲子孫帝王萬世之業又國策云秦地被山  
帶河四塞之國漢都漢書云劉敬說上都關中  
上疑之左右大臣皆山東人多勸上都洛陽張

良曰洛陽雖有此固其中小不過數百里地薄  
四面受敵非用武之國夫關中左崑西右隴西  
南有巴蜀之饒北有胡苑之利阻三面而守獨  
以一面東制諸侯此金城千里天府之國也

**吳**

**都** 吳錄云張紘言於孫權曰秣陵楚武王所置  
名爲金陵秦皇時望氣者云金陵有王者氣故  
掘斷連岡改名秣陵有別小江可以貯艦宜爲  
都邑劉備勸都之自京口遷都焉又諸葛亮至  
京口睹秣陵山阜嘆曰鍾山龍盤石頭虎踞此

帝王之宅唐都陸贄云今之關中古邦畿千里

之地王業根本於是在焉秦得用之以傾諸侯  
漢嘗因之以定四海蓋由憑山河之形勢宅田  
里之上腴弱則內保一方當天下無事可以養  
力俟時強則外制東夏據域中之大可以蓄威  
昭德在德通鑑云魏武侯浮西河謂吳起曰  
美哉山河之固對曰三苗氏左洞庭右彭蠡德  
義不修禹滅之夏桀之居左濟河右泰華伊閼  
在中南羊腸在其北修政不仁湯放之商紂之

國左孟門右太行常山在其北大河經其南修  
政不德武王殺之此在德不在險也

**帝宅**

李光

弼傳云判官韋損云東都乃帝宅公當守之

**神**

**都**唐書云則天光宅元年九月改東都爲神都

**大權**

陸贄云王畿者四方之本京邑又王畿之

本其勢當令京邑如身王畿如臂而四方如指

此天子大權也

**周原**

詩云周原膺膺董荼如飴

**本鎬**

詩云王在在鎬注帝京

**伊洛**

傳教云尋歷

代之規兆仍儉塞之自然决崑崙之洪流據伊

洛之雙川 **王城** 張衡云昔先王之京邑也奄觀

九隩靡地不營玉圭洲景不縮不盈總風雨之  
所交然後以建王城 **佳麗** 曹植云壯哉帝王居  
佳麗殊百城又謝朓云江南佳麗地金陵帝王  
州 **繡陌** 陳豎云長安開綉陌 **禹井** 韋應物云歌  
吹喧萬井車馬塞康莊

殿

**大堂** 蒼頡篇云殿大堂也商周以前其名不載  
按史記秦始皇本紀始曰作前殿上可以坐萬

人下可以建五丈旗降三輔黃圖云前殿周

曰路寢漢曰前殿厭火風俗通云殿堂象東非

形刻作荷菱水物也以厭火果漢書云文帝

七年未央宮東闕果災師古曰果連闕曲

閣也釋名云臣將入侍於此伏思也又蘇鴻演

義稱果崔豹云象羅網交文之狀蓋宮殿簷

戶之間也又段成式酉陽雜俎稱殿掬護焉鵠

為果崔豹古今注果屏也果者復也愚者

思也臣朝至屏外復思所奏之事玉篇云果

屏外門也但屏上雕刻其形如畧之狀**有陛**擊  
虞決疑要註云凡天殿乃有陛堂則有階無陛  
也在城右平者以文替和亞次城者爲階級也  
九錫之禮納陛以登謂由此陛以上**曰**陛漢書  
云明光殿省中以丹朱漆地故曰丹墀又梅福  
傳云丹地以丹泥塗殿上地也**處卑**唐魏徵云  
殿廣殿安處卑宮德之上也**漢殿**三輔宮殿名  
云未央宮有麒麟殿椒房殿長樂宮前殿宣德  
通光高明又漢宮闕名云長安有臨華神仙高



門朱鳥層城宣室永明鳳皇飛雲昭陽鴛鴦鈞  
臺合歡等殿名又有甘泉函德明光臯門白虎  
銅馬大夏長秋玉堂昭陽及蕭何曹參皆有殿  
又漢書有溫明陽安華光諸殿許昌有景福殿  
鄰有聽政殿洛陽洛陽宮殿簿云魏有太極九  
龍芙蓉九華承光含章嘉德玉堂銅柱安昌延  
休又長安有披香鴛鴦飛翔等名又華林園有  
蔬圃殿又三輔黃圖洛陽南宮有黃龍殿又洛  
陽故宮名云有銅馬敬法清涼鳳皇黃龍竹殿

顯陽雲氣明光徵音式軋暉章含章建始仁壽

宣光嘉福百福九華華光崇光晉宮闕各有靈

圃百子虞泉清冥詣殿宣室漢書刑法志云宣

帝決事宣室殿在前殿側又淮南子云周武王

殺紂於宣室漢蓋取周舊名也雍和東觀漢

紀云上敦睦九族諸侯王為盡友愛於十六院起

雍和殿臨幸擊鞠合樂錫賚有差白虎漢書杜

欽傳云成帝召直言之士欽詣白虎殿對策注

殿在未央宮西又蔡邕傳云章帝集學士於白

虎殿通經釋義又儒林傳云建初中大會群儒於白虎觀考詳同異連月而罷**九龍**魏志云青龍三年秋洛陽崇華殿災改名九龍殿**太極**魏略云青龍二年起太極殿又戴延之西征記云太極殿上有金井欄金博山金轆轤蛟龍負山於井上又有金獅子在龍下歷代殿名沿革不一惟此殿自晉以下不易名**拾翠**長安志云拾翠殿在大明宮幹井門外**集賢**唐書云帝召張說與李綰置酒集仙殿曰朕有賢者樂於此遂

改集賢**紫宸**職官分紀云施敬本曰紫宸殿者

漢之前殿周之路寢陛下負黼屨居黃屋人臣

致敬之所**金鑾**金鑾密紀云李翰林在天寶中

賀秘監聞於明皇帝召見金鑾殿降步輦迎如

見綺皓草和蕃書思若垂河**鑾坡**續翰林志云

唐制駕在大內則明福門置學士院駕在興慶

宮則金明門內制院德宗移院於金鑾坡金鑾

殿坡也**龍尾**洎宅編云唐含元殿前龍尾道凡

詰曲七轉由丹鳳門北望宛然龍尾下垂于地

**延英**唐書本紀云德宗日御延英殿許伯司長  
官二員言闕失謂之巡對又憲宗以元稹為拾  
遺上疏願陛下時於延英殿召對使盡所懷又  
裴度傳云陛下近開延英益稀恐萬機奏稟有  
所壅闕又李絳傳云絳常盛夏對延英帝汗浹  
衣絳欲趨出帝曰欲與卿論天下事乃真樂也  
**隆儒**春明退朝錄云隆儒殿在迺英閣後叢竹  
中**置酒**漢書云高祖置酒前殿奉玉卮為太上  
皇壽殿上皆呼萬歲**交養**漢書賈誼傳云文帝

思誼召之入見上方受釐宣室因感鬼神事以  
問鬼神之本注宣室未央前正室也釐祭餘肉  
祭天地五時皇帝不自行故還致福釐鳳皇漢  
書云宣帝幸河東之明年鳳皇集上林乃作鳳  
皇殿以答嘉瑞雀集前漢書云宣帝時雀五采  
以萬數集甘泉泰畤殿中芝生又云金芝九莖  
產于函德殿銅池中德陽東觀漢記云明帝欲  
起北宮尚書僕射鍾離意上書諫出為魯相後  
起德陽殿成百官太會上謂公卿曰鍾離尚書

若在不得成此

**雜集**

三輔黃圖云成帝時雉飛

集承明殿室又云未央宮有承明殿著作之所

武帝賜嚴助書曰君厭承明之廬**宣政**長安志

云宣政門內有宣政殿有東上閣門西上閣門

故以掖稱**金華**漢書云大將軍王鳳薦班伯召

見晏班殿中說詩有法拜為中常侍特上方向

學鄭寬中張禹朝夕入說尚書論語於金華殿

中詔伯受馬**夢**魏志云文帝謂周宣曰朕夜

夢殿上雙瓦落地化為鴛鴦何也對曰當有慕

死者

**即湯**

唐書云帝營乾陽殿張玄素諫曰昔

阿房成秦人散章華就楚人離乾陽畢功隋人  
解體臣恐陛下之過甚於湯帝也帝曰卿謂我  
不如湯帝何如桀紂曰若此殿卒與同歸於亂  
遂罷

**披香**

唐書云蘇世長侍晏披香殿酒酣進

曰此煬帝作邪何雕麗若此帝曰卿諫似直然  
詐也豈不知此殿我所營乃云煬帝邪對曰臣  
但見瑤宮瑤臺非受命聖人所為帝益重之

**長**

**生**

楊貴妃別傳云七月七日夜明皇御長生殿



執妃子手密相誓曰願世世爲夫婦

**結靈**

謝朓

云繡薨結飛霞旋題納行月

**王居**

何平叔云備

皇居之制度高薨崔嵬飛宇承殿

**楓宸**

何平叔

云楓楓被宸注宸帝居也言植此木於宸中

**應**

**宿**王文考云規矩制度上應列宿

**曼宇**

李莘云

曼宇踈楹通軒並廡

**水級**

又云階堂水級尾漱

鱗差隣斗極之光輝通天漢之波瀾雲簿萬拱

風交四榮

**雜人**

王維云絳憤雜人送曉籌尚衣

方進翠雲來九天閭闔開宮殿萬國衣冠拜冕

**梳** **鸚鵡** 李白云春風試暖昭陽殿明月還過鳩

**鵲樓** **黃埃** 又云自古帝王宅城闕閉黃埃 **禁林**

韓退之云鴛鴦欲歸仙仗裏熊羆還入禁林中

**齊日** 韋應物云漢宮南北對飛鵲齊白日

宮

**穹隆** 釋名云宮穹也屋見垣上穹隆然也 **始作**

白虎通云黃帝作宮室以避寒濕又世本云禹

始作宮 **棟字** 易云上古穴居野處後世聖人易

之以宮室上棟下宇以待風雨 **帝號** 風俗通云

三十五

自古宮室一致漢以來尊者因為帝號下乃避

之也又禮云命士以上父子異宮 **宮正** 周禮云

宮正掌王宮之戒令糾禁 **法宮** 漢書云五帝神

聖親事處于法宮之中 **獨行** 王吉云聖王獨行

於深宮得則天下稱頌之失則天下咸非之 **五**

**雉** 周禮云王門宮阿之制五雉隅之制七雉注

阿棟也 **九尺** 禮記云有以高為貴者天子之堂

九尺 **刻楸** 左傳云魯莊公丹楹刻楸御良孫諫

曰侈惡之大也使鬼為之則勞神使人為之則

苦民

**燕私**

元結云天子重城深宮燕私而居

**禁**

**中**

漢書蔡邕云本為禁中門閣有禁非侍御之

臣不得妄入行道豹尾中以爲禁中孝元皇后  
父名禁避之故曰省中師古曰省察也言入此

中皆當視察不可妄也

**報鐘**

詩云敔鍾于宮聲

聞於外

**恒舞**

書云敢有恒舞于宮酣歌于室時

謂巫風

**落成**

左傳云楚子成章華之臺與諸侯

落之注宮室始成而祭之曰落

**兩觀**

古今注云

闕觀古者每門樹兩觀於其所以表宮門也其

上可居登之則可徧觀故謂之觀人臣將朝至此而書其所闕多少故謂之闕

**幽居**

詩云篤公

劉旣景迺岡相其陰陽觀其流泉度其夕陽幽居允荒

**胥宇**

詩云古公亶父來朝走馬率西水

游至於岐下爰及姜女聿來胥宇曰止曰時築室于茲

**黍離**

詩傳云黍離閔宗周也周大夫行

役至于宗周過宗廟宮室盡爲禾黍閔周室之顛覆彷徨不忍去而作黍離之詩

**麥秀**

史記宋

世家云箕子諫紂不聽其後朝周室過殷故墟

宮室毀壞生禾黍作麥秀之歌**合宮**管子云黃

帝有合宮以聽政**貳宮**帝王世紀云堯見舜處

於貳宮**商宮**大戴禮云周時德澤和洽蒿茂大

以爲宮杜名曰蒿宮**鑪宮**墨子云成湯受命于

鑪宮**幽房**河圖云璇光貫月感女姬于幽房之

宮生黑帝**射宮**周禮云諸侯歲貢士於天子天

子往射於射宮以課中否記云武王克商散軍

郊射左射狸首右射騶虞注郊射爲射宮於郊

**澤宮**周禮云澤宮習射選士之處又傳云天子

將祭先習射於澤澤者所以擇士也已射於澤而後射於射宮射中者得與祭不中者否注澤宮名也士謂諸侯朝者及所貢士皆令習射於澤已乃射於射宮又射義云選士於澤不射侯也但試中而已

**帝宮**

穆天子傳云天子升於崑

崙之丘以觀帝之宮

**鉤弋**

列仙傳云鉤弋夫人

齊人也右手拳望氣者云東方有貴人氣及到姿色甚偉帝披其手得一鉤手尋不拳故名其

宮曰鉤弋

**紫宮**

十洲記云青山上紫宮天真

仙女多遊於此**琉璃**十洲記云方丈山上有琉

璃宮**化人**列子云周穆王時西胡國有化人來

王執化人之袂騰而上天及化人之宮櫛以金  
銀絡以珠玉宮出雲雨之上實為清都紫微也

**春宮**通鑑紀年云春宮穆王所居**逃夏**越絕書

云今太守舍有春中君所造後殿屋以爲逃夏

宮**卑宮**孔子云禹吾無間然禹卑宮室而盡力

手溝洫**自責**通鑑外紀云成湯時大旱以六事

自責曰宮室崇歟云云**傾宮**尸子云桀爲傾宮



瑤臺殫百姓之財**館娃**方言曰吳有館娃之宮

吳王夫差造**碣石**史記云鄒子之燕昭王擁篲

先驅請列弟子之座而受業築碣石宮親往師

之**大梧**說苑云楚使聘齊齊王享之梧宮使者

曰大哉梧乎王曰江海之魚吞舟况大國之樹

邪**秦宮**史記云秦有羣年宮信宮梁山宮蘭池

宮並始皇居驪山阿房二世所建**阿房**通鑑云

秦阿房宮東西五百步南北五十丈下可以建

五丈旗周馳爲閣道自阿房渡渭屬之咸陽以

象天極閣迤絕漢抵營室

**蘭池**

三輔黃圖云蘭

池宮始皇微行咸陽與武士四人俱夜逢盜蘭

池**明光**

漢武故事云上起明光宮發燕趙美女

二千人充之建章未央長樂三宮皆輦道相屬

懸棟飛閣不遊徑路

**漢宮**

漢書云長樂未央沛

宮林光甘泉龍泉首山交門明光五柞萬歲池

陽蒲陶棠梨竹宮延壽建章黃山太乙思子諸

宮或在京師或在外郡或在王所居或祠祀所

在或因事而立也又三輔黃圖及漢宮闕名云

長門承光宜春鼓簧黃山集靈長揚望遠昭靈  
夜光扶荔初年通天鼎湖谷馭婆南宮北宮

**山**

漢書云武帝六年冬幸雍回中春作首山宮

**交門**

漢書云上祠神人于交門宮若有向坐拜

者作交門之歌

**養德**

漢書云趙王如意所居宮

號養德

**甘泉**

漢書云明庭甘泉也又云黃帝接

靈於明庭又雲陽甘泉黃帝以夕祭天園丘處

又三輔黃圖云秦漢甘泉一曰雲陽秦始皇二

十七年作以山為名宮周匝十餘里漢武帝建

元中增廣之周十九里又匡衡云武帝居甘泉宮即於雲陽立泰時建章漢書云武帝太初元年栢梁燬災議者請太起宮室以戢火於是作建章宮度爲千門萬戶前殿度高未央東爲鳳闕西爲虎圈北治大池築漸臺名太液南有玉堂壁門輦道相屬又云昭帝始元元年黃鵠下建章宮長樂三輔黃圖云長樂宮本秦之興樂宮也漢高皇帝始居櫟陽七年長樂宮成徙居長安又漢書云宣帝本始四年神雀五采以萬

數集長樂宮又云王鳳二年鸞鳳集長樂宮東  
闕木上**長楊**三輔黃圖云長楊宮在今盩厔縣  
本秦舊宮漢脩飾之以備行幸有長楊因以名  
宮門曰射熊觀秦漢遊獵之所**長信**東方朔傳  
云漢長信宮太后之宮也武帝五日一朝長信  
宮**承明**漢宮闕名云承明廬在石渠閣外直宿  
所止曰廬嚴助傳云君厭承明廬楊雄云待詔  
承明之庭**桂宮**三輔故事云桂宮漢武帝造周  
迴千餘里漢書曰桂宮有紫房後道通未央宮

關輔記云桂宮在未央北中有明光殿上山複  
道從宮中西上城西至建章宮神明臺遂萊山  
又西京雜記云桂宮有七密床雜寶案寶屏寶  
帳時人謂四寶宮**未央**三輔黃圖云未央宮周  
迴二十八里前殿東西五十丈深十五丈高三  
十五丈武帝以木蘭爲椽椽文杏爲梁柱金鋪  
玉戶華榱璧璫彫楹玉砌重軒鏤檻青瑣丹墀  
左城右平黃金爲壁帶間以和氏珍玉風至其  
聲玲瓏然也**五柞**三輔黃圖云五柞宮武帝後

元二年幸盤屋五柞宮有五柞樹因以名宮

**竹**

**宮**

三輔黃圖云竹宮甘泉祠宮名漢舊儀云郊

泰畤皇帝平旦出竹宮朝東向揖日夕西向揖  
月漢書郊祀志云竹宮以竹爲之又郊祀志云  
武帝正月上吉用事甘泉園丘夜有神光如流  
星止集于祠壇天子自竹宮望拜百官侍祠者  
數百人皆肅然**望仙**洞冥記云元封三年起望  
仙宮**曜華**西京雜記云梁孝王作曜華宮**吳宮**  
吳志云太初昭明吳宮名**魏宮**魏峇云鄴宮太

祖所建**刻材**王隱晉書云高堂降刻鄴宮材云  
後若十年當有天子居此宮惠帝止鄴宮治屋  
者土剝更泥始見刻字計年正合**水精**魏畧云  
大秦國城中有五宮相去各五十里宮室皆以  
水精爲柱食器亦然**頌仁**隋書云煬帝大業元  
年命宇文愷與封德彝等營顯仁宮南接澗北  
跨路濱發江南五嶺竒才異石輸之洛陽求海  
內嘉木異草珍禽竒獸實苑囿自長安至江都  
置離宮四十餘里**道遙**燕志云慕容熙有道遙



宮

**九成**

唐書云太宗將幸九成宮即隋八壽宮

姚思廉諫勿行上曰朕有氣疾暑輒煩劇往避之耳賜思廉綸五十匹馬周上疏云太上皇春秋已高陛下宜朝夕視膳九成宮去京師三百餘里太上皇或時思念陛下陛下何以赴之又車駕此行欲以避暑太上皇尚留暑中而陛下獨居涼處溫清之禮竊所未安今行計已成不可復止願速示反期以解衆惑

**兔窟**

通鑑云唐

太宗修洛陽宮將作大將竇璡鑿池築山雕飾

華靡上怒遽命毀之免礎官**大安**唐書馬周云

臣伏見大安宮在營城右墻宇門闕方紫極爲卑小東宮皇太子居之而在內大安中至尊至之又在外太上皇雖至清儉愛惜人力陛下不敢違而蕃夷朝見四方覲聽有不足焉願營外堞門務從高顯以稱萬方之望則大孝昭矣**宿**

**羽**唐書韋弘機傳云初作宿羽高山上陽等宮徙洛中橋於長夏門廢利涉橋天子登洛北絕岸延眺良久歎其美詔即其地營宮**蓬萊**唐書

云高宗造蓬萊上陽合璧等宮張文瓘諫曰王者養民逸則富以康勞則怨以叛秦漢東事四夷造宮室至二世土崩武帝末年戶口減半夫制治於未危民固常懷懷于有仁臣願撫之無使勞而生怨**溫泉**唐書云玄宗有逸志數幸溫泉廣爲華清宮環宮置百司區署以房瑄資機筭詔摠經度驪山疏巖剔藪遊觀之所**不悅**唐書云肅宗幸靈武杜鴻漸等奉迎留魏少遊治宮室大爲殿宇諸王宮主悉有次舍又有十餘

騎鎧懺光鮮振旅以入帝見宮殿壯麗不悅曰  
我至此欲就大事安用是爲稍命我去**奉天**唐  
書云帝造奉天宮御史李善感上䟽極諫時人  
善之**新宮**宣室志云李賀能文年二十四卒夫  
人鄭氏一夕夢賀曰上帝創新宮故召賀與文  
士數輩作記**長秋**唐書云皇后居長秋宮**三陽**  
唐書云武三思以天后春秋高厭居宮中乃營  
三陽宮於嵩山與秦宮於萬壽山請太后歲臨  
幸已與二張更侍**貝闕**楚辭云鱗屋兮龍堂紫

貝闕兮朱宮**九關**楚詞云虎豹九關呀呀害人

此**西清**楊雄云攢樛流於高光兮溶方豐於西

清注西廂清閑處**槍**司馬相如云木擁槍鼎

以爲儲胥注槍鼎作木槍相鼎爲柵也**儲胥**武

帝作迎風館於甘泉宮後加露寒儲胥二館**西**

**區**班孟堅云前乘六嶺後越九峻東薄河華西

涉岐雍宮館所歷百有餘區**天通**李白云三十

六離宮樓臺與天通**鏡鳳**杜子美云陰沉鏡鳳

闕

堂

**高顯**

釋名云堂猶堂堂高顯貌也

**堂制**

禮記云

天子之堂九尺諸侯七尺大夫五尺士三尺又尚書大傳云天子之堂高九雉公侯七雉子男五雉又云天子之堂東西九筵南北七筵故曰度堂以筵度室以几

**堂除**

考功記云堂除堂二

介謂階前也

**接武**

禮云堂上接武堂下布武不

**趨**禮云堂上不趨

**聲揚**

禮云將上堂聲必揚弗

**肯**

書云若考作室厥子乃弗肯堂矧肯構

**揖遜**

記云兩君相見揖遜而升堂而樂闋不示禮云

天子不下堂而見諸侯下堂見諸侯天子之失禮也由夷王以下又吳志云舜命九賢彈五絃之琴不下堂而天下治又荀子云總天下之要治海內之衆若使一人云云故君子不下堂而天下之情舉覆杯莊子云覆杯水於坳堂之上則芥爲之舟置杯焉則膠水淺而舟大也三尺司馬遷云堯舜堂高三尺土堦三等又論衡云墨子稱堯舜堂高三尺儒家以爲卑下假使之

居高三尺之堂，藁茨生於階下，須臨堂察之，起視堂下之茨，孰與縣日，歷於扈坐，顧輒見之也。

**句**

記苑云：聖人於天下，譬猶一堂之上。今滿

堂飲酒，一人向隅而哭，則一堂之人皆不樂。

**居**

**床**

李虞云：殿堂之上，唯天子居牀，餘皆幅席。

**百**

**里**

管子云：今步者一日百里，之情通堂上，有事

一月而君不聞步者，十日千里，之情通堂下，有事而君不聞事者，百日萬里，之情通門庭。有事則年而君不聞，故曰：堂上遠於百里，堂下



遠於千里君門遠於萬里

**升堂**

家語云升堂入

室者七十有餘人又論語云由也升堂矣未入於室也

**流霞**

漢武內傳云上元夫人言西王母

有六甲之書用之可以造景雲之宮登流霞之

**玉堂**

漢書云玉堂在太液池南又漢武故事

云玉堂去地十二丈基皆用玉又班孟堅云金

華玉堂又華陽國志云文翁作二石室一曰玉

**光碧**

十洲記云崑崙山有光碧堂王母所居

**講堂**

齊地記云臨淄城西門外有古講堂基柱

猶存齊宣王脩文學處又華陽國志云文翁治蜀作講堂又漢書云北海有鄭玄儒林講堂

**堂**

地記云魯城北有孔子學堂

**萬金**

續漢書云

靈帝造萬金堂於西園

**福雲**

永初山川古今記

云永康縣有縉雲堂黃帝鍊丹處

**晉名**

晉宮闕

名并洛陽宮殿簿云堂名有承慶昌福綏福徽音嘉德虛德脩成九華百戲又洛陽宮有百堂螽斯休徵延祿仁壽含芳藥昌椒華芳音永光堯母長壽又有樹間杏間李間竹間柰間魚梁

醴泉等名

**歸主**

帝王世紀云武王入殷登堂見

美玉曰誰者或曰諸侯之玉也取而歸之天下

皆曰玉庶於財矣

**問言**

左傳云叔向適鄭醴葵

惡立於堂下一言而善叔向聞之曰必聰明也

執其手以上曰子若無言吾幾失子言之不可

以已也如是

**斷輪**

莊子云威公讀書於堂上輪

扁斷輪於堂下

**問者**

家語云魯共王升孔子堂

聞金石絲竹之音乃不壞宅

**愧賈**

漢紀云劉聰

嘉平三年廷王陳元達極諫聰怒將斬之聰時

逍遙園李中堂元達抱堂下樹呼臣所言社稷  
計聽勉聽之於是易李中堂為愧賢堂

**德星**

唐

書云崔邠居光德里創便室宣宗歎曰邠一門

孝友可為士族法因題曰德星堂

**芸暉**

杜陽編

云元載造芸暉堂於私地芸暉香草也出于閩

國其香潔白如玉入土不朽為屑以塗壁故號

芸暉焉更以沉檀為桀桀飾金銀為戶牖

**寶**

明皇雜錄云就國堂成以金盆貯瑟瑟三斗賞

匠者

**冊**

唐書云韓滉堂先無庶弟泗稍增補

之澁見即微去曰先君容焉吾等奉之猶恐失

墜安敢改作以傷儉德

**卷親**

虞氏家記云虞潭

為右衛將軍太夫人年高求解職不許特假迎

毋束歸起堂養親耳

**卷親**

唐書云裴度治第東

都集墮里沼石林叢翠幽勝午橋作別墅具

煥館涼臺號曰綠野堂激波其下

**卷親**

唐書云

李林甫有堂如偃月每欲排斥大臣即居之思

所以中傷者若喜而出即其家破矣

**卷親**

唐書

云帝表微所居堂寢隘陋

**卷親**

班固云樹中天

之筆闕豐冠山之朱堂桐栢何尚之云堂皂博  
漱正鵠是施帶以綠流刺以青栢書張景陽  
云幽室晝密明室夜光依竹杜甫云野外堂依  
竹

室

**法月**

三輔黃圖云明堂有十二室法十二月

**蘭**

**室**

家語云與善人居如入芝蘭之室久而不聞

其香與之俱化矣

**鑿石**

老子云鑿石以爲室常

其無有室之用

**斯干**

詩云斯干周宣王考室之

詩有云築室百堵西南其戶

**揆日**

詩云揆之以

日作于楚室注楚丘之室揆日參景以正方向

也

**空室**

莊子云室虛而純白獨生

**窮閭**

荀子云

窮閭陋室

**垂磬**

左傳云室如垂磬野無青草

**聚**

**者**

禮記云儒有一畝之宮環堵之室華門圭竇

蓬戶甕牖易衣而出拜日而食

**四壁**

董子云禮

天子之宮右清廟左涼室右明堂後路寢四室

者足以避寒暑而不高大也夫高室近陽廣室

多陰故室適形而止

**應**

管子云堯有衡室之

問下聽於民也。避雷洛陽記云顯陽殿北有避

雷室西有御龍室。九天漢宮殿名云神明臺武

帝造高五丈上有九室今人謂之九天臺武帝

求神仙恒置九天道士百人。齊壽神異經云西

北荒外有石室容二十人同居齊壽千二百歲

瓊華十洲記云崑崙山上有瓊華之室。金室淮

南子云西方有金室。仙室列仙傳云彭祖設太

夫至商末號七百歲歷陽有彭祖仙室。反室漢

書云武帝詔丞相石慶君其反室言使還家也。



**可封**

前漢書云唐虞之際比屋可封又唐史云

元宗與民休息比屋可封

**于先**

詩云晝爾于茅

宵爾索約亟其乘屋

**板渚**

詩云在其版屋亂我

心曲注西戎以板爲屋

**渠渠**

詩云於我乎夏屋

渠渠注深廣也

**夏屋**

揚子云震風凌雨然後知

夏屋之爲忻懽

**編蓬**

尚書大傳云子夏讀書畢

見夫子夫子問焉對曰商所受於夫子者志之不敢忘也惟追而窮思河濟之間深山之中環室編蓬爲戶於中彈琴詠先王之道則可發憤

慷慨矣

**法儉**

晏子春秋景公云吾欲服聖人之

服君聖人之室如此則諸侯其至乎晏子云法

其節儉則可法其服室無益

**不潔**

謝承後漢書

云陳蕃家貧居室不掃容恠之蕃曰大丈夫當

爲掃除天下安事一室

**灰也**

唐書張志和傳云

凡鶴齡恐其遁世不遂爲築室越州東郭茨以

生草椽梁不施斤斧

**太潔**

又云陸羽嘗問志和

孰爲往來者對曰太虛爲室明月爲燭與四海

諸公共處未嘗少別也何有往來

**如星**

逸原記

云鄭廣文屋室破漏下望之竅如七星**獨處**唐書云楊綰性沉靜獨處一室湛如也**方丈**法苑珠林云唐顯慶中長史王元策因向印度過淨名宅以笏量其地有十笏許故號方丈之室**茅茨**羅含別傳云桓宣武以舍為別駕以官廨宇誼擾乃於城西池小洲上立茅茨之室竹果蔭宇伐木為牀織葦為席布衣蔬食晏若有餘**葵****榴**楚辭云鑿山楹而為室下披衣而水渚霧淒崇其晨降雲依霏而成雨**約****楚**詞云築室兮

水中葺之兮以荷蓋峯壁兮紫壇播芳椒兮成  
堂桂棟兮蘭楹辛夷楣兮芍房**被繡**漢書賈誼  
云庶人墻屋被文繡**織綺**江文通云鮫人織綺  
於室**陋室**劉禹錫云陋室銘山不在高有仙則  
名水不在深有龍則靈斯是陋室惟吾德馨**不**  
**錮**韋蘇州云野廬不鉏理翳翳起荒煙

齋

**名義**

說文云齋潔也

**心齋**

莊子云顏回云吾無

以進矣敢問其方仲尼曰齋顏回曰回之家貧

唯不飲酒不茹葷者數月矣若此則可以爲齋  
乎仲尼曰是祭祀之齋非心齋也回曰敢問心  
齋仲尼曰若一志無聽之以耳而聽之以心無  
聽之以心而聽之以氣聽止於耳心止於虛氣  
也者虛而待物者也唯道集虛虛者心齋**讀書**  
安成記云太和中陳郡殷府君引水入城穿池  
殷仲堪又於地北立小屋讀書百姓于今呼曰  
讀書齋**蕭齋**杜陽編云梁武帝時造寺蕭子雲  
飛帛大書蕭字寺至今一字在焉李約之見之

破產買歸東洛建一小室以玩之號蕭齊**兩絕**  
梁書云宣城王為揚州刺史顧野王及王褒為  
賓客野王好丹青於東府起齋舍野王畫七賢  
王褒書贊稱為**兩絕****便悉**唐書云崔郾居光得  
里創便齋宣宗詔云郾一門孝友可為士族法  
因題曰德星堂**唐書**唐書云玄宗置麗正書院  
聚文學之士秘書監徐堅太常博士賀知章監  
察御史趙冬曦或修書或侍講以張說為修  
書使以總之有司供給優厚**石鼓**朱文公記云

唐元和間衡州人李寬於石鼓創書院國初賜

勅額**白鹿**廬山記云唐李渤與兄涉俱隱於二

山嘗養一白鹿因名之又長編云太平二年知

江州周述言廬山白鹿洞使嘗數千百人乞賜

九經使之隸習詔國子給本仍傳送之**繞**梁

簡文帝云玲瓏繞竹澗間關通樅著缺岸新成

圃危石久為門址榮下飛桂南柯吟夜猿暮流

澄錦績晨冰照承鸞**領**徐陵云架領承金闕

飛橋對石梁竹密山齋冷荷開水殿香山花隔

舞席水影照歌牀  
**照彼**顏延年云葦草作牀采  
茅昭儉哲人素節貴而能賤羈結茨危瞰臨涯  
廉

閣

**閣道**

晉書天文志云大培後七星絕漢營室曰

閣道又張平子云勾陳之外閣道穹窿**阿閣**帝

王世紀云黃帝時白鳳巢于阿閣**堯閣**三秦記

云未央宮有堯閣**石渠**三輔黃圖云石渠閣蕭

何造其下礮石爲渠以通水若今御溝因爲閣



名所藏入關所得秦之圖籍至成帝又於此藏  
秘書焉又三輔故事云石渠閣在未央殿北

**天**

**祿**

三輔黃圖云天祿閣蕭何造劉向於成帝之

末校書天祿閣

專精覃思夜有人著黃衣植

青梨杖叩閣而進見向暗中獨坐誦書老父乃

吹杖端出火照見向受五行洪範之文詞說繁

廣乃裂裳記其言至曙而去請問姓名云我太

乙之精天帝聞卯金之子有博學者下而觀焉

**投閣**

漢書云王莽時楊雄投書天祿閣上治獄

使者將雄從閣上自投幾死京師諺云惟寂寞

自投閣

**雲齊**

三輔黃圖云秦二世起雲閣欲與

浮雲齊

**麒麟**

漢書云宣帝甘露三年思股肱之

美盡其人於麒麟閣法其形貌書其官爵姓名

凡十一人

**夾殿**

唐六典云丹鳳門內中正殿曰

含元夾殿二閣左曰翔鸞右曰棲鳳

**昭春**

南史

云陳後主起臨春結綺望春三閣皆以沉香

木爲之臨春後主自居之結綺張麗華居之望

春以龔孔二妃居之

**凌煙**

唐書云太宗圖功臣

於凌煙閣魏證亡帝思不已登凌煙閣觀畫像

悼痛又云李勣死畫像凌煙自序之仲勞陸贄

云太宗嘗有小疾百官以大內卑濕請別營一

閣以君上憚勞煩竟不之許講漢書云孝宣

講六經於石渠學者滋甚趁入唐書列傳云字

文士及太宗延入閣語或至夜分表勳舊唐史

云昭宗末中書奏西京舊有凌煙閣圖畫功臣

今遷都洛陽合議修建副元帥梁王勳庸冠世

仍請其測別創一閣以表殊勳生夙晉書傳云

傳云傳元性峻急每有奏劾或直日暮捧白簡  
整簪帶踈跣不寐坐而待旦由是貴游震懾臺  
閣生風滕王舊史云滕王唐高祖子善畫尤精  
蛺蝶爲洪州刺史暇游江漢於芳渚造閣故各  
又王勃傳云勃道出鍾陵九日都督大宴滕  
王閣命其婿宿構序文將誇賓客出紙華徧請  
勃在坐任之不辭都督怒起更衣遣吏伺其文  
一再報語益竒嘆曰天才也四香天寶遺事云  
揚國忠用沉香爲閣檀香爲閣檻麝香乳香飾

土為泥飾謂之曰香閣春時芍藥盛開聚賓友于

閣上禁中沈香亭不作此壯麗也天居古詩云

層閣蕭天居綠空曾子建云章閣綠空飛陛凌

雲閣謝玄暉云尋雲師累榭隨山望茵閣凌

虛幸應物云飛閣凌太虛晨濟蔚崢嶸衛天壯

收云高閣倚天半

門

二說文云門從二力象形也門釋名云門

捫也在外為捫幕障衛也積木義問云拱一木

作門而上無登謂之門秉會李尤云門之俞張

為宅表會納善閉邪擊柝防害徐暴易云重門

擊柝以待暴客關捷老子云善閉無開捷而不

可開謹護爾雅云戶護也所以謹護門塞也畏

懼太公金匱云戶之書曰出畏之入懼之也閭

閭說文云楚人名門曰閭閭又曰天門又鄉元

漢西上門曰閭京鑰芝田錄云門鑰必以魚

者取其不暎日守夜之義周禮云司門掌

授管鑰以啓閉國門譏出入謁後漢宦官傳

云靈帝作翻車謁烏施於王門外西橋用洒南  
郊路以省百姓洒道之費注爲曲筒引水而上  
閤人周禮云閤人掌守王宮中門之禁以時啓  
閉注中門於外內爲中若今宮闕門又云王有  
五門雉門爲中閤人幾其出入者九重宋玉云  
君之門考九重又恩倖傳云九重與絕主天子  
門也四圍書云賓于四門注四方之門諸侯來  
朝皆賓迎之燕朝周禮云在路門之內者謂之  
燕朝鄒張平子云觚後而接金爵注觚後闕

角金爵鳳也

**兩觀**

崔豹古今註云古者每門樹

兩觀于前以表宮門其上可登以徧觀故謂之

觀人臣將朝至此思其所闕故謂雙觀

**春修**

禮

記云仲春之月修闔扇**不出**易云不出戶庭無

咎

**無人**

易云閨其戶閒其無人

**掌籍**

唐書百官

志云司門卽中員外卽各一人掌門關出入之

籍凡闕遺之物凡有召者降墨敕勘銅魚木然

後入監門校尉巡日送平安凡奏遣官送之晝

題時刻夜題更籌

**鼓節**

唐六典云城門卽掌京



城皇城宮殿諸門開闔之節奉其管鑰而出納之開則先外而後內闔則先內而後外所以重內禁尊帝居也候其晨昏擊鼓之節而起閉之

**居閏**

周禮云太史閏月詔王居門終月注月令

十二月分在青陽明堂總章元堂之位唯閏月無所居居於門故於文王在門謂**用進**左傳云鼓用牲于社于門**用右**禮云大夫士出入君門由闕右不踐闕凡與客入者每門讓於客客至於寢門則主人請入爲席主人入門而右客入

門而左

**表門**

鄭玄云王所次車爲藩則印車繫

以表門張惟爲宮則樹旌以表門陳列周衛則立長水以表門

**玄牝**

老子云玄牝之門爲天下

根

**踰闕**

禮云婦人送迎不出門見兄弟不踰闕

**祭肝**

月令云孟秋陰氣出祀於門外順陰也凡

祀門爲祖祭先肝

**拂闕**

禮云君入門介拂闕大

夫中振與闕之間介拂凡入門近中爲尊

**雷門**

王尊傳云毋持布鼓過雷門注雷門會稽城門

也有大鼓越擊此鼓聲聞洛陽

**王門**

毛萇云王

之正門曰應門郭門曰臯門

**臯門**

漢書輿服志

云禁門曰黃門以中人主之又應劭云黃門侍

郎每日暮入青瑣門謂之夕郎青瑣刻爲連文

也門在未央宮前殿側

**青瑣**

禮云天子門曰臯

門庫門雉門應門路門又鄭玄云天子五門臯

雉庫應路魯有庫雉路則諸侯三門又外傳云

自外及內第一臯門次庫門中雉門其四應門

極內即路門爲五也

**掖門**

應邵云內至禁省爲

掖門外出大道爲掖門掖者在司馬門之旁

**掖**

**漢書**

周勃傳云端門殿之正門

**金馬**

張瑩漢

南紀云馬拔奏曰武帝時善相者鑄作銅馬殿  
之有詔立馬於魯班門外更名曰金馬門又史  
記云宦者署門門旁有銅馬故云

**登賢**

魏武帝

云王粲直登賢門

**釋名**

云路門之外樹屏

之內人君視朝宁立之處李巡云正門內兩塾  
門曰宁曲禮亦云天子當宁而立

**司馬**

賈誼云

天子宮門曰司馬又三輔黃圖云漢未央甘泉  
長樂宮皆有公車司馬門今諸出入者皆下不

如今者哥金

**洛陽**

洛陽故宮記云有上西門廣

陽津門小苑開陽中東上東司馬北閤玄武南

掖北掖東掖西掖上車南端金門九龍白虎春

興青鎖金商雲龍神武宣秋又有大夏長春朱

明青陽又飛兔含章建禮廣德明禮望鍾神仙

合德敬法却非會福萬春千秋承明崇禮等門

**長安**

漢宮殿名云長安有宣平門覆盎門萬秋

門橫門太掖池南有壁門禁門

**東都**

又云東都

有宣德門元成門青綺門章義門仁壽門礪石

門建春

鄭元云穀水東經建春門石橋下即上

東門也

**定鼎**

古今地名云河南有定鼎門

**石牛**

華陽國志云秦孝王以李冰為蜀守冰作石犀五頭以厭水一在市橋門今所謂石牛門也

**龍**

袁宏漢紀云建初二年有司依舊典奏封諸

舅太后詔曰前過躍龍門上見外家車如流水馬如龍吾亦不誌怒之但給其歲用可也

**突闥**

越絕書云楚門春申君時造楚人從入故號楚

門**破楚**

吳地記云閭闔門吳王闔閭所作高門

閣道後由此出伐楚改曰破楚門

**里門**

風俗通

云開城外郭內之里門開扞也言為人藩屏以

扞難也又說文云閭里中門閭市外門

**樓運**

詩

云衙門之下可以棲遲

**華門**

禮云華門圭竇注

華門柴門圭竇小戶穿壁爲戶上銳下方狀如

圭也

**曳裾**

鄒陽云飾固陋之心則何王之門不

可曳裾

**如市**

鄭崇云臣門如市臣心如水

**武閭**

書云武王式商容閭又呂氏春秋云魏文侯過

段干木之閭而式其僕曰君胡式曰干木賢者

也吾安敢不式

**龍門**

國語云鄭大水龍閉于時

門之外

**金**

漢書云魯定公二年雉門及兩觀

災孔子曰門闕號令之所由出也

**莊**

莊子云

原憲居魯蓬戶不全桑以爲柅

**闕**

左傳云內

蛇與外蛇闕於鄭南門中內蛇死

**闕**

左傳云

杞子自鄭使告於秦曰鄭人使我掌其北門之

管注管鑰也

**闕**

左傳云齊侯使公子無虧戍

曹與門材注門材使先立門戶

**闕**

公羊傳云

晉二大夫相與踦閭而語注閭當道門閉一扇



一人在內一人在外曰跣免冑左傳云秦師過

周北門左右免冑而下起乘者三百人注王城

之北門冑兜鍪兵車非大將鄉者在中故左右

下御不下誦列士傳云吳王闔閭畏王僚之

子慶忌作石室銅戶以備之席間漢書云陳平

家貧以席爲門然門外多長者車轍容晉書

云王濬嘗起宅開門前路或謂大過濬曰吾欲

使容長戟幡衆咸笑之濬曰燕雀安知鴻鵠之

志後遷益州刺史容駟漢書云于公治舍謂匠

人曰爲我高門令容高蓋駟馬我治獄未嘗有  
究後世必有封侯者後定國爲丞相永爲御史  
大夫遂世封又晉書云陳頹父訢立宅起門曰  
當使容駟馬車訢矢從之後辟郡從事乘高車  
還家仕梁州刺史闕漢書云王嘉字翁仲爲  
郎坐戶殿門失閉免戶止也除籍竇嬰傳云嬰  
不好黃老太后怒除嬰門籍不得入朝請抱鬼  
漢書龐參傳云參爲漢陽太守郡隱士任崇參  
到先候之崇不與言但自抱兒伏於戶下參思

微意良久曰崇是欲曉我也抱兒當戶欲吾開門恤孤也歎息而還

**題**

華陽國志云蜀城十

里有升仙橋司馬相如初入長安題其柱曰不乘赤車駟馬不過此

**補**

史云魏勃欲見齊相

曹參常早起掃其門參用爲舍人

**大門**

呂不韋

傳云不韋往見子楚曰吾能大子之門子楚笑曰且大君之門而乃大吾門不韋曰子不知也吾門待子而大

**登龍**

漢書云李膺獨持風裁以

聲名自高士有被其容接者名爲登龍門又晉

書云王衍唯談老莊朝野翕然謂之一世龍門

又云賀州封陽有隄陂水深百尋大魚旬擲登

此門化爲龍不過者曝鱗點額

**張羅**

世說云羅

公罷廷尉賓客皆去門可張羅

**通籍**

漢書云武

帝令從官給事大父母得通籍司馬門又董賢

倚云賢幸於上雖休沐不出今賢妻通籍得入

宮殿中止宿

**夜閉**

漢書云石顯欲取信於上嘗

使諸宮先奏恐漏盡宮門閉請召吏開門上許

之顯故救夜還徧詔開門入夜果有上書言顯

專命矯制夜開門太子笑以書示顯顯因謂曰  
陛下過任小臣群下無不嫉妬事類此以後有  
諸顯者不信掃軌杜峯傳云劉勝閉門掃軌元  
所于撥垣唐書云太平公主假萬年絲為婚館  
門隘不能容翟車有司撥垣以入活字世說云  
揚修為魏武主簿作相國門始構橫楠魏武視  
之使人題門作活字修見即令壞之曰門中活  
閤字也王嬖門大爾爭趨唐書云大曆中楊綰  
為相德望日崇天下雅正之士爭趨其門六閤

唐書云楊炎孝著三代表其門閭門柱六闕

**闕**唐史云玄宗時貴妃楊氏四方獻餉結納門

若市然**湯沸**唐史云李義甫母妻諸子賣官市

獄門如湯沸**啓扉**溫子升云惟王建國配彼太

微大君有命高門啓扉良辰是簡穆卜無違彫

梁乃架綺翼斯飛八龍杳杳九重巍巍居家納

祐就口垂衣一人有慶四海爰歸

樓

**修曲**爾雅云狹而修曲曰樓**重屋**說文云樓重

屋也棟澤中竹樓也

**高明**

釋名云樓賤也言牖

戶諸射孔高明覩遠樓棟然也

**譙閣**

漢書陳勝

傳云譙門謂門上爲高樓以墜耳樓一名譙故

謂美麗之樓爲麗譙又莊子鶴列于麗譙江戰

樓名

**七重**

吳域志云西域泥婆羅宮中建七重

樓覆銅瓦楹椽皆大珮雜寶四隅置銅楹下有

金龍口激水仰注槽中

**七鳳**

五代史云于闐國

有樓曰七鳳

**前漢書**

郊禮志云漢武帝王

帶上明堂圖圖中有一殿四面無壁以茅蓋通

水園宮垣爲複道上有樓從西南入名崑崙蓋樓之始也其後魏有麗熙起有飛翼漢有井幹

**玉樓**

十洲記云崑崙山有五城十二玉樓

**真女**

漢宮閣名云長安有貞女樓

**白雀**

吳記云吳有

白雀樓

**伺星**

晉宮閣名云有伺星樓又有儀鳳

樓翔鳳樓

**鳳飛**

幽明錄云鄴城鳳陽門五層樓

安金鳳皇二頭於其上石季龍將衰一頭飛入

漳河

**黃鶴**

述異記云江下有黃鶴樓

**景雲**

京都

記云宋華林園造景雲樓

**景陽**

齊書云置鍾景



陽樓上令宮人聞鐘聲早起粧飾

**城樓**

墨子云

城備三十步置坐候樓出堞四尺百步一木樓  
樓前面九尺二百步一立樓去城中二丈五尺

**百天**

洛陽地記云洛陽城西北角金墉城東北

角有樓高百尺魏文帝造

**飛翼**

吳越春秋云范

蠡爲句踐立飛翼樓以象天門

**白閣**

虞氏家記

云吳小城白門樓吳王闔閭所作至秦始皇守

宮吏柱燕窳失火燒宮而此樓故存

**瀨鄉**

瀨鄉

記云老子廟有皇天樓九柱樓靜念樓皆畫仙

人雲氣

**十四**

漢書云公孫卿言仙人好樓居黃

帝時爲十二樓以候神人武帝於是作飛廉觀

**十五**

地理志云汴舊有十三樓廣記云潤

州城南有樓名萬歲孫楚云有城都之百

雉加層樓之五尋淮南子云亂之所由生

皆在派道大掃架與宮室延樓棧道雞樓并幹

樹木構楹以相支持木巧之飾此道於木也秦

**樓**列仙傳云蕭史善吹簫秦穆公以女弄玉妻

之教弄玉吹簫爲築臺作鳳樓夫妻居其上居

數日有鳳凰來集一夕皆隨鳳去

**披圖**

東觀漢

記云上至廣阿止城門樓上披輿地圖指示鄧

禹曰天下郡國如是我乃始得一處卿言天下

不足定何也

**超踰**

漢書云甘延壽少以良家子

善騎射嘗超踰羽林亭樓由是遷爲良

**覆蓋**

吳

志云劉基美容姿孫權愛敬之暑時嘗於

宴樓上值雷雨權以蓋自覆又命覆基餘人不

得也

**庾稚**

世說云庾亮字元規在武昌諸佐史

殷浩之徒乘秋夜佳序共登南樓不覺庾至諸

人將起避亮曰諸君少住老子於此與復不踐  
便據胡床與浩等談詠通夕

**泥樓**

金華子云李

景讓爲御史大夫貴戚有看街樓閣畏其糾彈  
皆泥之

**自縊**

晉書云石崇有妓曰綠珠甚妍麗

孫秀求之不得秀矯詔收崇綠珠因自投樓下

死

**清嘯**

晉書云劉琨在晉陽嘗爲胡騎所圍數

重琨乃乘月登樓清嘯賊聞之皆悽然長歎棄

圍走

**迷樓**

南部烟花錄云隋煬帝開汴河泛艦

爲江都之游浙人項昇進新官圖帝愛之即入

圖管建既成幸之曰使真仙遊此亦當自迷可  
目之曰迷樓

**華亭**

唐書云玄宗於宮西南置樓

其西書曰花萼相輝之樓南曰勤政務本之樓

**紫雲**

唐書云帝嘗詠杜甫曲江辭有宮殿千門

等語意天寶時環江有觀樹宮室即詔兩神策  
治曲江昆明作紫雲樓采霞亭

**芳塵**

拾遺記云

石虎起樓四十丈以雜寶異香爲屑風作揚之  
名曰芳塵

**長慶**

明皇雜錄云上皇每置酒晏長

慶樓南俯大道因徘徊觀覽或父老過之皆拜

舞乃去**廣遠**明皇雜錄云上嘗吳王君奭及妻

夏氏於廣遠樓**望仙**唐書云武宗帝記會昌五

年六日甲申望仙樓望于神策軍**望**唐書魏

徵傳云帝晏丹霄樓**望**唐國史補云崔日知

歷職中外恨不居八座為大常卿於都寺廳後

起樓與尚書省相望謂崔公望省樓**望**語林

云張建封有愛妓名聆聆居燕子樓張卒十餘

年竟不肯嫁能舞多以詩問答有三百首名燕

子樓集**齊雲**五代史云唐昭宗幸韓建鎮登齊

雲樓西北傾望京師作菩薩蠻三章以思歸其  
卒章曰野煙生碧樹陌上行人去安得有英雄  
迎歸大內中酒酣興從臣悲歌泣下

**駕鶴**

述異

記云荀環字叔偉寓居江陵憇江夏黃鶴樓上  
望西南有物飄然降白雲漢俄頃已至乃駕鶴  
之賓也鶴止戶側仙者就席羽衣虹裳賓主歡  
對辭去跨鶴騰空眇然烟滅

**聚書**

唐書田弘正

傳云弘正性忠孝好功名起獲聚書萬餘卷

**鳳**

五代史云梁太祖即位羅紹威取魏良材爲

五鳳樓

**唐書**

云李德裕徙劍南西川乃建

等邊樓按南道山川險要與蠻人相接者圖之

左右道與土蕃接者六圖之

**周禮**

據言杜紫微

讀趙嘏早秋詩曰殘星幾點鴈橫塞長笛一聲

人倚樓吟味不已因目嘏為趙倚樓

**張衡**

云神明崛其特起并幹疊而百層峙游極於浮

杜結重築以相承駮蜿蜒之長髻察雲師之所

憑

**欲迷**

班孟堅云攀并幹而未半自駭轉而欲

迷捨橋檻而却倚若顛墜而復稽

**百篇**

張平子



云井幹疊而百層注井幹樓名

**翠戎**

左太冲云

裂戎旅乎落星之樓

**青樓**

曹植云青樓臨大道

**迎風**

又云迎風高天中注迎風樓名

**八詠**

沈休

文云明月雙溪水清風八詠樓

**銷憂**

王粲云登

茲樓以四望兮聊暇日以銷憂

**樓龍**

鮑照云風

樓十二重四戶八綺窓繡栴金蓮花柱柱王盤

**龍**

**樓目**

杜子美云南樓縱目初

**孫楚**

李白云朝

沾金陵酒歌吹孫楚樓

**散憂**

又云金窓夾繡戶

珠箔懸瓊鈎飛梯綠雲中極目散我憂

**舍風**

韋

蘇州云綺樓何氤氳朝日正杲杲四壁含清風  
丹霞射其牖**黃鶴**崔顥云昔人已乘白雲去此  
地空餘黃鶴樓黃鶴一去不復返白雲千載空  
悠悠

亭

**停集**

釋名云亭停也道路所舍人停集也

**街門**

漢職典云洛陽二十街街一亭十二門門一亭

**泗上**

漢書云高祖及壯試吏爲泗上亭長

**旗亭**

史記云旗亭市樓立旗書於上又西京賦旗亭

五里

**白石**

東軒筆錄云白石下縣故城在上元縣

城西本江寧縣白石壘今城南有長干寺城東

門有白下亭

**柯亭**

蔡邕傳云邕避仇吳中宿柯

亭亭屋以竹爲椽聆曰良竹也取以爲笛音聲

絕妙

**蕪草**

後漢書馮異傳云光武至薊會王子

接起兵薊中以應王即城內擾亂秀促駕而出

不敢入城邑舍食道傍金蕪萋亭時天寒烈馮

異上豆粥

**蘭亭**

王羲之云永和九年歲在癸丑

暮春之初會于會稽山陰之蘭亭修楔事也此

地有崇山峻嶺茂林修竹又有清源急湍映帶  
左右**采霞**天寶遺事云上詔兩神策治曲江昆  
明作采霞亭令公卿得列舍堤上**沈香**唐李白  
傳云元宗坐沈香亭意有所感欲得李白為樂  
章召入而白已醉左右以水頰面稍解援筆成  
清平調三章婉麗精切**精思**唐書李德裕傳云  
裕所居安邑里第有精思亭每計大事則處其  
中

臺

**方高**

爾雅云四方而高曰臺

**土高**

書秦誓注云

土高曰臺有木曰榭

**勝特**

釋名云臺特也言築

土堅高能自勝特也

**夏處**

月令云仲夏可以居

高明處臺榭

**累土**

老子云九層之臺起於累土

**春臺**

老子云衆人熙熙如登春臺

**不射**

酒海經

云西王母之山有軒轅臺射者不敢西向畏臺

也

**衆神**

歸藏云夏后啓享神於晉墟作璿臺於

水陽又左傳云夏后啓有鈎臺之饗注鈎臺在

河南翟陽縣南啓享諸侯于氏

**窺天**

陸賈云楚

靈王作乾溪之臺其高百仞欲登浮雲窺天文

**一柱**

博物志云江陵有臺甚大而唯有一柱衆

梁皆共此柱**九華**魏志云黃初六年築東巡臺

七年築九華臺**金臺**幽明錄云海中有金臺出

水百丈結構巧麗窮盡神工橫光巖渚竦曜星

漢**玉臺**鄧明德南康記云雩都君山上有玉臺

方廣數丈周迴盡是白石柱柱自然石覆如屋

形也**鹿臺**史記紂云厚賦以實鹿臺又書云武

王散鹿臺之財**漸臺**漢府故事云武帝漸臺高

三十丈南有壁門三層內殿階階咸以玉爲之  
鑄銅鳳凰高五丈飾以黃金

**南華**

汲冢書抄云

周武王禽受於南單之臺

**琅玕**

史記云始皇東

游海上作琅玕臺刻石頌功

**望海**

齊地記云平

壽城西北八十里有平望亭亦古縣也或云秦

始皇爲望海臺于此

**國馬**

山川古今記云彭城

西南有戲馬臺項羽所築

**閩雜**

述征記云廣陽

門北有闢鷄臺

**吹臺**

郡元云陳留縣有倉頡師

曠城上有列仙吹臺舊址梁王增築以爲吹臺

又唐書云杜甫少與李白齊名嘗從白及高適  
過汴酒酣登吹臺慷慨懷古人莫之測懷清史  
記云寡婦清先得丹穴而擅其利數葉家亦不  
訾清寡婦也能守其業用財以自衛不見犯秦  
皇帝以爲貞婦爲築女懷清臺侯寶杜陽編云  
日本國東三萬里有島上有燧霞臺臺上有手  
譚池池中有玉棊子不由制度自然黑白分明  
**神雀**地理志云陝州硤石東有神雀臺天寶二  
年赤雀見置雲臺後漢書云明帝永平三年圖



二十八將於南宮雲臺以鄧禹爲首**通天**三輔

黃圖云武帝靈光室有通天臺通聖臺高三十

丈**瑤臺**通鑑外紀云夏桀作瑤臺瓊宮以殫百

姓之財**釣臺**地理志云子陵釣臺在嚴州嚴光

披羊裘釣澤中今釣臺尚存題**重華**王孫子云

昔衛公坐重華之臺侍御數百隋珠照日羅衣

從風**鄴臺**鄴中記云鄴城西北立臺皆因城爲

臺趾中央名銅雀北則水井又有西臺高六十

七丈上作銅鳳窓皆銅籠疏雲母幌日之初出

乃派光照耀又晉史云華都銅雀臺皆鴛鴦是  
**王長** 嵩高山記云山有五女臺云漢武帝見三  
仙玉女因以名之**栢梁** 漢書云武帝作栢梁臺  
高數十丈宮室之興由此日麗**漢** 漢書云神  
明臺鳳皇臺思子臺**魏** 魏志云魏地有銅雀  
臺金臺冰井臺凌雲臺南巡臺九華臺**晉**  
宮闕名云晉有崇天臺織室臺**三** 五經異義  
云天子有三臺靈臺以觀天文時臺以觀四時  
施化圓臺以觀鳥獸魚鼈諸侯不得觀天文但

有時臺園臺九累尸子云瑤臺九累而堯白屋

**涼臺**

裴度傳云午橋作別墅有煥館涼臺

**國**

管子云地開而國貧舟輿飾臺榭廣也

**如**

左

傳云宋皇國父爲公築臺妨農子罕謂侯農功  
畢築者謳曰擇門之哲實與我役邑中之黔實  
慰我心子罕聞之執朴杖其不力者曰吾儕小  
人皆有闕廬以避燥濕寒暑今君爲一臺不速  
成何爲君子謂子罕能分謗注澤門國父所居  
皆白黔黑國父子罕貌也

**國**

國語云晉靈公

不若從臺上彈人觀其跲九者無臺左傳云晉

文公之爲盟主也宮室卑庳無亭觀臺榭新臺

詩云新臺刺衛宣公納其子伋之妻作新臺于

河上而要之九層劉向說苑云晉靈公造九層

臺三年不成人力困敝出令敢諫者斬荀息進

曰臣能累十二碁子加九郊於公曰危哉息曰

不危公造臺三年不成男不耕女不織亦甚危

矣公遂止章華國語云楚靈王爲章華之臺與

伍舉登焉曰臺美矣夫對曰先君莊王爲麇居

之臺高不過望國氣大不過容燕豆人不廢時  
務官不易朝今君爲此臺人罷財盡數年而成  
諸侯莫至若君謂此美焚其殆矣

**史記**

劉向新

序云魏王將爲中天之臺許綰荷市而入曰開  
大王將爲中天之臺願加一力臣聞天與地相  
去萬九千里其趾當萬一千里盡王之地不足  
爲臺趾王默然乃罷築

**史記**

史云燕昭王築臺

置千金于臺上延天下之士

**史記**

三輔黃圖云

秦始皇作臺高四十丈嘗射鴻於臺上故號鴻

**臺鳳皇**

列仙傳云蕭史善吹簫秦穆公以女弄

玉妻之史吹簫作鳳鳴居數月鳳下其居公爲

作鳳皇臺夫妻止之一夕皆乘鳳飛去

**惜費漢**

書云文帝欲作露臺召工計之直百金曰百金

中人十家之產也吾奉先帝官室常恐羞之何

以臺爲

**朝漢**

唐州記云尉佗立臺以朝漢室圖

基千步直峭百丈螺道以登頂廣三畝朔望升

拜號爲朝漢臺

**姑蘇**

吳地記云吳王夫差破越

越敗乃進西施請退軍歸越具王許之吳王旣

得西施甚寵之爲築臺姑蘇云臺高三百丈遊

晏其上伍子胥諫曰臣恐姑蘇臺不久爲麋鹿

之遊王不聽鴨宿洞冥記云武帝升望月臺南

端有三鴨群飛俄宿臺端通雲陽記云弋夫

人從至甘泉而卒尸香聞十餘里葬雲陽武帝

思之起通靈臺於甘泉宮有青鳥集臺上往來

至宣帝時乃不至琴臺益州記云司馬相如宅

在州西笮橋北百許步李膺云市橋西二百步

得相如舊宅今海安寺南有琴臺故墟聖恩漢

書云武帝憐太子無辜乃起歸來望思之臺於  
湖天下聞而悲之**望月**天寶遺事玄宗八月十  
五夜與貴妃臨太液池凭闌望月帝意不快遂  
勅左右於池之西岸別築百尺臺吾與妃子來  
歲望月後經祿山之變不復置**愁虛**五代史云  
唐明宗入汴莊宗與元行欝登道旁冢置酒相  
顧泣野人獻雉問其冢名臺也罷酒去**田**

**成**楚詞云璜臺十成誰所極焉**蘭臺**張衡云蘭

臺金馬逸宿**居**注蘭臺校書處**指天**謝朓云



層臺指中天

**禾黍**

李白云臺傾禾黍繁

**俯渚**

杜

甫云曾臺俯風渚

宅

**擇吉**

釋名云宅擇也言擇吉處而營之也

**先廟**

禮云君子將營宮室宗廟爲先廡庫爲次居室

爲後

**環堵**

高誘云儒有一畝之宮環堵之室注

堵長一丈高一丈面環一堵爲方丈故曰環堵

之室

**閭閻**

國語云子罕曰吾儕小人皆有閭閻

以避燥濕寒暑

**國宅**

周禮云凡任地國宅無征

注云國宅城中宅無征無稅也 **宅制** 尉繚子云

天子宅千畝諸侯百畝大夫以下里舍九畝 **定**

**園** 楊泉物理論云處宅者先定鄰焉 **成室** 禮弓

云晉獻文子成室張老曰美哉輪焉美哉奐焉

歌於斯哭於斯聚國族於斯 **甲第** 漢書高祖紀

云有甲乙次第故曰第又宣帝賜霍光甲第一

區陸士雲甲第崇高闔 **賦** 禮云獻田宅者操

書致 **子垣** 詩云之子于垣百堵皆作 **容身** 文子

云古之爲道者量腹而食客身而春 **卜宅** 呂才

卜宅篇云易稱上古穴居而野處後世聖人易之以宮室蓋取諸大壯殷周時有卜擇之文詩稱相其陰陽書云卜洛食

**四禮**

書云禹四隩既

宅

**苑夜**

左傳云使營苑喪吾將老焉注營居宅

**守德**

揚雄云惟寂惟寞守德之宅

**燕復**

淮南子

云大厦成而燕雀相賀

**白屋**

吾丘壽王傳云今

三公有司或由窮巷起白屋裂地而封師古曰

白屋以白茅覆屋

**西益**

風俗通云宅不西益俗

說西者爲上益宅者妨家長也又爾雅云西南

隅謂之與尊長之處也不西益者難動搃之爾

**舜宅**

戴延之西征記云蒲坂城外有舜宅

**釋林**

述征記云山陽縣城東北二十里魏中散大夫嵇康園宅今悉爲丘墟而父老猶謂嵇公竹林地以時有遺竹也

**謂川**

唐書云王維別墅在輞

川地竒勝有華子岡歌湖竹里館柳浪茱萸洲

**木妖**

南部新書云唐安史之亂法度隳弛內臣

戎帥競治亭館第宅力窮乃止時號木妖

**可懼**

說苑云智襄爲室美士茁夕焉智伯曰室美矣

夫對曰美則美矣臣意亦有懼也高山峻原不生草木土木勝臣懼其不安人也室成三年而智氏亡

**自請**

史記云王翦伐荆始皇送至灞上

翦請美田宅請人曰自故耳

**不壞**

史記云魯共

王壞孔子舊宅以廣宮室聞鍾磬琴瑟之聲遂不敢壞復於其壁中得古經傳

**不更**

晏子春秋

云景公謂晏子曰子宅近市湫隘囂塵不可居請更之對曰臣之先臣居此宅焉臣不足以代之

**不更**

漢書云蕭何買田宅必居窮僻處不治

垣舍曰令後世賢師吾儉不墾無爲勢家所奪

**自污**

漢書云高祖數使使問蕭相國何爲客因

說何曰胡不多買田宅感賈貸以自污上心必  
安何從其計傳合漢書云許伯入第蓋寃饒賀  
之酒酣仰屋而歎曰美哉富貴無常此如傳舍

**蝸廬**

列仙傳云魏焦先字孝然結草廬於河間

號蝸牛廬呻吟其中後野火燒之乃露寢雪中  
袒卧人視之並如故後至百餘歲卒

**羅道**

吳隱

之傳云隱之爲廣州刺史盧循寇南海隱之爲

所得久方得反數畝小宅籬垣側漏內外茅屋  
不容妻子尋拜度支尚書

**賜近**

漢書云孝惠及

高后德汝陰侯夏侯嬰脫孝惠於魯元下邑之  
間乃賜北第一曰近我以道異之注北第者

近北闕之第

**四**

後漢書云董宣爲北海相大

姓公孫丹爲五官掾造新宅卜工占云當有死

者丹乃命子殺道行人置屍舍內爲馱勝宣知

收丹子殺之

**就學**

後漢書云張霸受嚴氏春秋

傳覽五經諸生慕之各市其旁宅以就學

**讀**

續漢書云吳漢嘗出征妻子多買田業漢還讓  
之曰軍師在外吏士不足何多買田宅乎遂盡  
分以與昆弟外家**靈立**吳志云陳表家財盡於  
養士死之日妻子露立太子登爲起居宅**宅相**  
王隱晉書云魏舒少孤爲外家審氏所養審起  
宅相者云當出貴外生舒曰當爲外家成此宅  
相**壽宅**搜神記云臨泥縣廖氏世老壽後移去  
子孫輒殘折他人居其故宅復累世壽宅惟井  
水亦因掘井傍得埋丹砂數十斛乃知丹汁入



井是以飲水而壽

**絕客**

漢書云曹操於譙東築

精舍求低下之地以泥水自蔽絕賓客往來之

望

**太原**

後魏書云王椿造宅高壯椿往爲本郡

人呼爲王太原人忽云此太原宅未幾爾朱榮

居椿宅封太原王

**區**

楊傳云雄處嶠山之陽

有田一廛宅一區家貧嗜酒人稀至門時有好

事者載酒肴以游學

**買鄰**

南史云宋季雅罷南

康市宅居呂僧珍宅側僧珍問宅價曰一千一

百萬惟其貴曰一百萬買宅千萬買鄰

**種竹**

世

說云王子猷每假人宅必種竹人詰之曰不可  
一日無此君**琴舍**晉書云羅舍為桓溫別駕以  
廨舍諠擾於城西小洲立茅舍以居織草為席  
布衣蔬食安如也**徙近**王績傳云仲長子光者  
亦隱者也無妻子結廬北渚凡三十年非其力  
不食績愛其真徙與相近**融**齊書云張融為  
中書郎假東出武帝問往何處荅曰臣陸處無  
屋舟居水上後問其徙兄緒緒曰融近東出未  
有居止權作小舡岸上住帝大笑**與元**裴楷傳

云楷營新宅甚麗將移居與兄共遊行牀帳儼然樞軒踈朗尤心甚願之而口不言楷知其意

便使兄居

**碑**

宋書云蔡興宗父廓起二宅以

東宅與兄執執送錢五十萬禪宅直與宗白母

曰一家由來豐儉必共今日宅不宜禪也

**不傳**

北齊書云皇甫亮所居宅洿下標榜賣之將買

者問故亮曰爲宅中水淹不洩雨即流入牀下

由此宅終不售淳實不矯飾如此

**醉**

唐書白

居易傳云居易被遇憲宗時事無不言爲當時

所忌乃放意文酒無立功名意於東都所居履  
道里䟽沼種樹構石樓香山鑿八節灘自號醉  
吟先生**不駮**唐書云田游巖隱其山高宗拜弘  
文學士乘傳赴都帝營奉天宮游巖舊宅直宮  
左詔不聽毀天子自榜其門曰隱士田游巖宅  
**宅氣**唐書云浮渚泓與張說市宅戒無穿東北  
隅他日恠宅氣索然視隅有二坎丈餘驚曰公  
富貴一世而已諸子將不終說將平之泓師曰  
客土無氣與地脉不連譬身瘡疔補他肉無益

也

**復壁**

唐書云李林甫為相自見結怨者多憂

刺客竊發所居重關復壁絡版甃石一夕再徙

家人莫知也

**金盞**

盧氏雜記云唐僧泓師云長

安永寧坊東南王鐸宅地形金盞安邑里西馬

燧宅為王杯後王宅賜袁弘及史憲誠等所謂

金盞破猶可載成馬燧宅為鳳城園所謂王杯

破則不復完也

**覽**

郭從義傳云從義鎮河陽

於洛中造大第皆以香柏為柱文梓為梁山池

碾磴廡庫亭閣無不備具第成約費金五千錠

次年被召還都暮抵其第秉燭一覽時朝會九  
期侵星而行至東都卒竟不及居又涑水燕談  
云趙韓王爲西京留守遣人於秦隴市良材萬  
數營西宅成王已病詔詣闕將行乘小車一遊  
第中遂如京師至捐館不復載來無復唐書云  
李義琰爲相宅無正寢弟義璉市堂材送之義  
琰曰以吾爲國相且自愧尚營美宇是速吾禍  
卒不許木久腐乃棄之發唐書云魏證宅無  
堂太宗方造小殿乃輟其材賜之賜功唐書云

德宗賜李晟永崇里第及涇陽上延平門之園

林女樂八人蓋叔復長安之功也**華僭**唐書云

許敬宗營第舍華僭至造連樓使諸妓走馬其

上**故院**唐書云李愬既貴諸昆弟競矜室廬唯

愬所處乃父時故院無所增廣**永巷**唐書云郭

子儀宅居新仁里四分之一中通永者家人三

千相出入不知其居**宅家**姚南仲傳云大曆十

年獨孤皇后崩代宗詔近臣爲陵以朝夕臨望

南仲上疏曰人臣宅於家帝王宅於國長安乃

祖宗所宅其可與鑿建陵其側**市宅**撫遺云徐

鉉物自南唐入京市宅以君歲餘見故宅主貧甚鉉召之曰得非售宅虧價致是邪余近獲潤華二百千可償之其主堅辭丞命左右輦付之

**尋**

五代史云楊行密見王茂章營第曰天下

未定而茂章居寢靜然渠肯爲我忘身乎茂章遽毀損之**萬里**司馬相如云時有大人兮在乎

中洲宅彌萬里兮曾不足以少解悲時俗之迫隘兮竭舉足而遠游**韻**沈筠云編霜炙緝寒



茅構鳴噪之所集築叮哇之所交因犯檐而刊  
樹由妨基而剪葉**連雲**李白云中貴多黃金連  
雲開甲宅

庖竈

**食厨**

說文云庖食厨也

**造食**

系名云竈竈創也

創造食物也

**造火**

李尤云燧人造火

**夏祀**

月合

云孟夏其祀竈祭先臍注陽氣感熱于外祀竈  
從熱類也

**婦祭**

禮記云竈者老婦之祭感于盆

尊於瓶注老婦先炊器也祭竈以祭先炊也

**陽**

**者**莊子云場者避竈**高突**墨子云竈心爲屏突

高出屋四尺防失火也**竈神**酉陽雜俎云竈神

名隗狀如美女又姓張字子郭衣黃衣披髮夫

人字鄉忌皆從竈中出知其名呼之可除凶又

抱朴子竈神每月晦日上天言人罪狀大者奪

紀小者奪筭**竈馬**酉陽雜俎云竈馬狀如促織

穴於竈側俗謂竈有馬足食之兆**突火**呂氏春

秋云燕雀處一屋之下自以爲安竈突失火上

棟宇燕雀不知禍將至也**竈陘**朱子云竈陘今

竈門置柴處

**黔突**

劉向云孔子無黔突墨子無

暖席

**倚竈**

韓子云仲尼讀書老聃倚竈觚而聽

之曰何書也曰春秋也注觚頰

**炙**

韓非云晉

文公時宰人上炙而髮繞之文公讓宰人宰人

曰臣有死罪三授孺砥砥刀利猶干將肉斷而髮

不絕臣之罪一也授錐貫肉而不可見髮臣之罪

二也奉炙爐炭肉盡赤紅炙熟而髮不焦臣之

罪三也堂下得微有嫉臣者乎乃召其黨詰之

果然誅陰繞髮者

**羸**

戰國策云智伯攻晉陽

洪水灌城不浸者三版沈竈產蛙懸釜而炊人  
馬相食**戒竈**通鑑云孫子使齊軍入魏地為十  
萬竈明日為五萬竈又明日為二萬竈龐涓行  
三日大喜曰我固知齊軍怯入吾地三日士卒  
亡者過半乃倍日并行逐之暮至馬陵齊伏兵  
弩發涓乃自刎**祠竈**漢武故事云李少君言上  
曰祠竈則致物致物而丹砂可化為黃金黃金  
成以為飲食器則益壽益壽則仙者可見於是  
天子始親祠竈**厨傳**漢書宣帝詔云吏或擅與

繇役飾厨傳稱過使客越職踰法以取名譽譬猶踐薄冰以待白日豈不殆哉

**曲突**

漢書云初

霍氏奢侈茂陵徐福言其忝盛書三上報罷後霍氏誅滅告者皆封人爲徐生上書曰客有過主人者見其竈直突傍有積薪客曰子爲曲突遠徙其薪不者且有火患主人不應俄其家失火鄰里共救之幸而得息於是殺牛置酒謝其鄰人灼爛者在於上行而不錄言曲突者或謂主人曰鄉使聽客之言不費牛酒終亡火患

今論功而請賓出突徙薪亡恩澤燹頭爛額爲  
上客耶主人悞而請之宣帝召福爲郎監厨世  
說云或問禘衞曰苟文若趙稚長云何曰文若  
可借面弔喪稚長可使監厨請客親窳東觀漢  
記云周澤爲涿池令儉約妻子自親釜窳鷄入  
漢書云卞伯玉作東陽郡窳正熾火有鷄遙從  
口入良久乃於突而出毛羽不焦鳴啄如故王  
尋病殞風吹漢書云季南少明風角其女亦曉  
家術爲卷縣民妻晨詣熨室卒有暴風便上堂

從姑求歸辭其二親姑不許乃跪泣曰婦術家  
女疾風卒起先吹竈突及井禍為女婦主爨者  
妾將亡因著其亡日皆驗

**黃羊**

後漢書云陰識

光烈皇后前母兄也宣帝時陰子方者嘗臘日  
晨炊竈神形見子方再拜受慶家有黃羊因以  
祀之自後暴富子方常言我子孫必將彊大至  
識三世遂繁昌

**食蠅**

梁昭明太子傳云太子食

中類得蠅虫之類密置枰邊恐厨人獲罪不令  
人見

**增**

通鑑云虞詡為武都大守西羌欲邀

遮謂謂密令吏人作兩竈日增倍之日行三百里謂曰虜兵多吾兵少虜見吾竈日增必謂鄰兵來迎衆行速必憚進追我孫臆見弱吾今示彊

**志肉** 隋書云王劭爲散騎常侍篤好經史用心既專性頗恍惚每對食閉目凝思盤中肉輒爲僕從所嗽劭弗覺每以肉少責厨人厨人以情白劭伺而獲之

**掘人** 隋書云李圓通少孤賤給事文帝家帝爲隋公時每設客常令圓通監厨圓通性嚴整婢僕敬憚惟世子乳母恃寵輕



之每有干請不許輒持去圓通大怒叱厨人提  
之數十帝善之以爲堪大任後位太府卿

**茶竈**

陸龜蒙傳曰嘗乘小舟齋束書茶竈筆林釣具

往來江湖

**列竈**

唐語林云王彥伯醫旣著列三

四竈煖藥於廷老幼塞門來請彥伯指曰熱者

飲此寒者飲此風者飲此飲者皆瘥

**盜肉**

宋史

云王文正局量寬厚飲食不精潔者不食而已

忽子弟勸云庖肉爲褻人所私食乞治之公曰

汝輩人料肉幾何曰一觔今止得半觔食其半

爲饗人所啖公徐曰盡一觴可飽乎曰可矣曰  
此後人料一觴半可也**無煙**李白云厨竈無青  
**煙任塵**杜甫云井竈任塵埃**不燭**韓退之云貧  
薪不燭竈

廁

**圜**

說文云圜廁也又圜也

**溫廁**

儀禮云隸人

溫廁溫塞也爲人復往藜也

**適**

庚桑編云觀

室者周於寢廟又適其偃焉注偃謂屏廁也屏  
廁則以偃澲**屋頭**資暇錄云俗命如廁爲室頭

并州人鑿土爲室廁在所居之上故也

**晉書**左

傳云晉侯將食麥脹如廁陷而卒

**追盟**

左傳云

蒯聃迫孔慳於廁強盟之

**卷第**

史記云范雎事

魏中大夫須賈須賈爲魏昭王使於齊齊襄王

聞雎辯口乃使人賜雎金千觔雎不敢受須賈

知之大怒以爲雎持魏國陰事告齊故得此饋

既歸以告魏相魏齊齊大怒使舍人笞擊折脅

摺齒雎佯死即卷以箒置廁中賓客飲者醉更

溺雎故僂辱以繼後今無妄言者范雎得出伏

匿更名姓曰張祿入秦說昭王拜以爲相**心動**  
史云豫讓欲殺趙襄子詐爲刑人入宮塗厠襄  
子如厠心動搜得之又漢書云高祖如厠心動  
見柏人金日磾如厠心動擒莽何羅**厠鼠**李斯  
傳云斯爲小吏見厠鼠食不潔近人犬數驚入  
倉觀倉中鼠食粟不見人之憂歎曰人之賢不  
肖如鼠矣在所自處耳乃從荀卿子**踞厠**漢紀  
云武帝時大將軍青侍中上踞厠視之**擊鼃**漢  
書云邳都侍上賈姬如厠有野鼃入厠中上目

都擊之都不往。上欲自往，都伏諫曰：「一姬死，復一姬主，上欲自輕，柰太后宗廟何？」**爾守**神仙記

云：淮南王安謂仙伯坐起不恭，主者奏安不敬。

謫守廁三年。**著華**左思傳云：思著三都賦，藩溷

皆著華硯。**廁婢**晉書云：石崇奢豪，矜物，廁上常

有十餘婢侍列，皆有容色，曳羅綺，置甲煎粉，沉

香汁，如廁者皆易新衣，客多羞脫，而王敦脫故

著新衣，無怍。諸婢相謂曰：「此客他日能作賊。」**持**

**香**世說云：劉寔少貧屢，及後位大尉，每崇儉素。

嘗詣石崇家如廁見有紋帳相褥甚麗兩婢持香囊寔便退笑謂崇曰悞入卿內崇曰是廁耳寔曰貧士未嘗得此更如他廁

**戒人**

晉書云郭璞與桓彝善每造之或值璞在婦廁便入璞曰卿來他處自可徑前但不可廁上相尋必主客有殃彝後醉詣璞在廁掩而觀之見璞躲身被髮唧刀設醮璞見彝撫心大驚曰每囑卿勿來反更如是非但禍吾卿亦不免璞終被王敦之禍彝亦死蘇峻之難

**食彘**

世說云王敦初尚主

如廁見漆箱盛乾棗本以塞鼻王謂是菓食盡  
婢擎金盤盛水琉璃盤盛澡豆因倒著水中而  
飲之群婢掩口**木湯**洛陽伽藍記云陳宛盛其  
居上廁上木湯廁盥手槐板覆故糞穴為都城  
第一**香煙**襄陽記云劉季和如廁從香煙上過  
**朱衣**晉書云陶侃嘗如廁見一人朱衣介幘劔  
履曰以君長者故來相報君後當為公侯至八  
州都督**鹵簿**宋書云沈慶之在文帝時夢引鹵  
簿入廁中意惡之占者曰君必大富貴然不在

旦夕間鹵簿固是富貴容厠中所謂後帝也知  
君富貴不在今主廢之果以孝武出登三事趙  
**則**唐書云朱泚亂會王叔武難時與崔寧俱出  
延平門而西寧數下馬趨厠報廷久叔懼賊追  
即呼曰既至此欲顧望乎國柳宗元李亦傳  
云赤一惑於恠而所為若是乃反以世為溷以  
溷為帝居清都今世皆知笑赤之惑也月巡續  
幽悻錄云侍御史錢義方居常樂第夜如厠忽  
見蓬頭青衣數人來逼義方曰汝非郭登曰然



余乃廁神每月出巡

類傳卷第十一終